

DEO OPT. MAX. VNI ET TRINO, VIRGINIQ; DEIPARÆ, ET S. LVCAE, ORTHODOXORVM MEDICORVM PATRONO;

QVÆSTIO MEDICA

QVODLIBETARIIS DISPVATIONIBVS MANE DISCVTIENDA
IN SCHOLIS MEDICORVM, DIE IOVIS, IX. FEBR.

M. MICHAELE DE LA VIGNE, Doctore Medico, moderatore.

An Principes alijs generosiores?

1003.

PRINCIPIVM cuiusque rei maximum esse fatendum est, cum illius sit hoc opus, eaque facultas, ut plurima sibi similia valeat efficere, unde si quando generis siue familiaris principium laudabile atque honestum extiterit, omnis ab eo deducta naturarum series honesta atque laudabilis orietur; quare cum homo naturâ constitutione ingenitas fari leges nequeat effugere, cuiusmodi vis illi naturæ beneficio concessa est, quâ mediante veluti principio plurimum efficaci, innumeros sibi similes homines immortalis successione procrearet, siquidem nobili ac penè diuina generandi facultate conlequutus est, ut decimam è corpore suo partem eiusdem secum virtutis velut imaginem relinquere, referentem non solum omnem corporis sui apparatus, sed etiam animi mores: qui si egregij atque præcellentes fuerint, eorum semina liberis ingenerans principium illustis generis fiet, & ad eximiam virtutis possessionem posteritatem omnem trahet.

EFFICACISSIMVM generationis principium semen est, quod *maris & feminae* partium omnium in se naturam viresque complectitur, exceptum vtero prolem corpore & animo genitoribus suis quàm simillimam potest, effingit: si virile semen superauerit, patri similem effigie provenire siue marem siue femellam puta, si muliebri matri: at si fuerit æqualis vtriusque feminis victoria, ad majores similitudinem degenerabit, unâ inter homines eiusdem generis immutabili continuataque feminis facultate: maius etiam aliquid in semine latere existimes; quemadmodum enim natura eius corporis differt, ita nobilitate ignobilitateque animi animæ inter se discrepant, quippe cum pro varietate temperiei illius, & in permixtione victoriâ mollem & abiectam, vel illustrem magis ac validam excitari prolem videamus, si masculinum ab utroque parente prodierit semen, imprimis corporis & animi virtutibus clara ac generosa soboles orietur.

VNVSQVISQVE pro generis conditione spiritus & animos gerit; è plebeijs natalibus ad excellentem virtutem rarus assurgit; summo genere prognatis adeò familiaris est, ut ad maxima quæque faciles & expeditos perducatur; nam cum igneus sit illis vigor, à masculo parentum semine genitus, ubi ceteri humiles, abiecti, paucos calore frigent, hi naturæ facibus feruent, magnanimi sunt, honoris, imperij, gloriæ cupidores; accedit fortitudo verè regia virtus, quæ in solos temperamento calidiore præditos cadit, unde semina virtutum, naturamque temperiem ab atavis ad se propagatam nobilibus quibulque facinoribus & excitant & fouent; ubi etiam multa patrum virtus animo multâque recurat gentis honos, stare loco nescit generosa indoles, quin natalium splendorem sibi naturæ melioris indulgentiâ concessum, multa laudis & gloriæ accessione augeat & illustret.

QVOD si nobilis progenies virtutis auitæ obliuiscatur, nullo tamen integræ atque semper vigentis naturæ vitio istud fieri existimes, sed educationis errore, qui plurimus in vitâ solet contingere, cum principium laudabilis, & cum primis generosa temperies molliori ministrorum vel indulgentia, vel adulatione pervertitur, & præclara indoles ad virtutem nata ad vitia detorquetur; caue tamen credas mores à natura infortos deteriori vitæ consuetudine adeò permutari, ut nullum posthac in homine superesse possit vestigium, licet egregius ille generosæ stirpis splendor densâ vitiorum caligine nonnumquam offundatur, in his tamen tenebris quidam instat virtutis micant igniculi, qui vel inuito artis prauæ & peccantis educationis conatu, constantibus & firmis naturæ viribus luculenter excitari possunt.

IGITUR qui nobilioris stirpis naturam labefactare noluerit, diligenter exploratum habeat reparationis illius principium, masculinum scilicet semen calidum, copiosum, quale maximè profundis solet à sanis, robustis, iuuenibus, nec præter modum Veneris indulgentibus; hoc bellè instructi progenitores, pari corporis animique alacritate ad Veneris sacra accedant, & veteris dicti memores, hoc agant: sic enim fiet, ut liberi à parentum naturâ insitâque generositate non descendant, sed eorum mores, studia, animique propensiones omnino repræsentent; absurdum enim est generandæ sobolis gratiâ generosos equos plantarumque optima semina diligentius inquirere eos, qui homini nihil ad futuræ successione excellentiam, nobilitatem generis conferre putent, neque credant latentia semina virtutum in generatione liberis communicari; latere profecto turpiter nunquam potest generosæ venæ sanguis, à Principibus nasci primus ad fortia quæque gradus est.

Ergo Principes alijs generosiores.

Proponebat Lutetiæ DANIEL ARBINET Belnensis, A. R. S. H. M. DC. LI.

DOMINI DOCTORES DISPVATVRI.

M. Simon Boulot.
M. Claudius Tardy.
M. Ioannes Forestier.

M. Michael du Pont.
M. Petrus de Mercenne.
M. Andreas Guyet.

M. Claudius Lienard.
M. Renatus Moreau, Prof. Regius.
M. Dionysius Allam.

